

琉球國志略卷九

翰林院待講臣周煌恭輯

爵秩

自古屬國封號祇及其王而其臣之品秩不與聞焉琉球越在重洋

聖天子授之王印以示尊寵亦政不欲遙制之爾前使臣徐葆光傳信錄有官制一篇云從其臣紫金大夫蔡温得其大槩紫金大夫程順則又以所配臣制進臣觀其體制亦頗典重乃徐察其實十不符

琉球國志略

爵秩
卷九

一 吳舒帷校

二三始知蔡程二書係奉其王令新定品秩尚未舉行嗣以三法司恥居正二品班寢之閱十餘年更定大改前規臣叩之日所晉接諸人率多不諳故典無一能言之郊子最後於餞別之次前所稱蔡温者尚在通謁求見臣亟問其略奈已龍鍾昏眊語焉不詳今亦惟就所見聞少為臚列大抵官雖有品不必品有其人官雖分職不必職專其事而君臣之通義無逃天地之間要亦較然可觀也

志爵秩

國王世子嗣位稱權國事奉表請封及見冊使皆稱中山王世子明夏子陽錄洪武初賜駝紐
鍍金銀印封為琉球國中山王以其時山南山北並受封故別之秩正二品降皇子親王一等皮弁犀帶國中攝政亦許其弁上加覆綴前後各七旒腰玉常服側翅烏紗帽
國朝不設品印文只稱琉球國王敕文仍加中山二字冠服悉從其便

臣按徐葆光錄有元侯郡侯邑侯郡伯邑伯等爵今皆未見

王子總理一郡或二郡赤地五色金花帕龍花錦帶其長子世領一郡稱某間切按司

按司赤地五色花帕大花錦帶王子按司不係品有才德者授國相職

臣按國中按司有三等一為王子及貴臣遙領之

琉球國志略

爵秩 卷九

二 吳舒帷校

按司一為王所領之郡不設按司一為各土著世業之按司或授以朝列或選充王壻皆令常居首里徐錄云舊制每府一按司洩治之權重兵爭尚真王改令聚居首里遙領其地歲遣察侍紀官一員知其府事歲終上其成於按司

國相二員左相紫地五色花冠錦花帶右相青地五色花冠錦花帶俱正一品

法司官三員從一品一司除授刑法一司錢穀出人集議議定上之國相王受成而已徐錄分天地

遣一員充正使紫金大夫一員副之例以首里尚向兩家毛翁馬夏七姓為之故法司多王叔王舅

由紫巾官入國史院加法司銜及耳目官有功者升授久米那霸泊三府人不得為偶有為者則入居首里子孫遂為首里人紫綾冠錦帶有功紫地織花冠錦帶

紫巾官紫金大夫加法司銜俱正二品紫綾帕黃地龍蟠帶以上皆金簪

紫巾官紫金大夫

俱從二品紫綾帕黃地龍蟠帶金花銀柱簪

耳目官

四員正三品一司賓土名御鎖側一典寶一作司賞土名御雙紙庫理一司刑土名

平等側一司禮一作管泊土名泊地頭皆稱謁者土名申口衆黃綾帕黃地龍蟠帶以下皆銀簪遇貢期則遣一員充正使正議大夫副之

正議大夫加耳目官銜

土名申口座從三品冠帶同

琉球國志略

爵秩 卷九

三 吳舒帷校

吟味官

徐錄作贊議

正議大夫

俱正四品黃綾帕赤地龍蟠帶

那霸官察侍紀官中議大夫長史

中議大夫都通事皆為之都

通事

俱從四品冠帶同

正殿遏闈理官

正五品黃綾帕雜色花帶

副通事加遏闈理官銜

從五品冠帶同

正殿勢頭官

正六品黃絹帕雜色花帶

加勢頭官

從六品冠帶同

里之子親雲上副通事

正七品

筑登之親雲上

從七品俱冠帶同六品

正殿里之子 正名察度奴示正八品紅絹帕雜色花帶

里之子座 從八品冠帶同

正殿筑登之 正九品

筑登之座 從九品俱冠帶同八品

臣按自里之子親雲上至筑登之座及國中或呼

副通事通事筆者若筆者秀才若秀才 臣所謂品

不必有其人職不必專其事者此類是也

久米府官紫金大夫四員總理唐榮司一員 即於四員

中以一員統轄一村事為最尊主朝貢禮儀文移

琉球國志略 爵秩 卷九 四 吳舒帷校

正議大夫中議大夫長史都通事加邊闡理銜副

通事副通事通事 皆久米人秀才習漢文者任其職

臣按三十六姓皆洪永兩朝所賜至萬歷中存者

止蔡鄭梁金林五姓續賜者阮毛兩姓每姓子孫

亦不甚繁衍餘寄籍起家貴顯者有之自大夫長

史以下由秀才升授今取士之法惟憑總理司及

諸長史學中教習僉詞薦舉即許出身徐錄謂秀

才每年於十二月試之出四書題令作詩一首或

八句或四句能者籍名升為副通事由此漸升至

紫金大夫臣細訪之從無此例

琉球三省中山十四府山南十二府山北九府每
府除酋長外遣察侍紀一員掌筆帖一員治之每
逢

冊封之期領郡按司率察侍紀親理府事屬島如八重
山麻姑山姑彌島度姑島烏父島奇界島每島除
頭目酋長外遣監撫使一員掌筆帖二員治之餘
三十島則監撫使一員掌筆帖一員三省及各島
頭目總名保長有地頭土音之渡弟俗呼首里大屋子

琉球國志略

爵秩
卷九

五
吳舒帷校

土音奴夫即姑最尊次大掟土音無暇之又次南掟上音符恒之又

次西掟土音日升之又次掟土音沒勿之又次手文士土音提姑

姑遮相統轄惟地頭銀簪餘俱銅簪帽用青綠布不一

臣士之家有上中下三等上等自里之子始入流
品中等自筮登之始入品下等略同未入品者許
紅絹帕若農工商中有勤勞者令戴青絹紅絹黃
絹等帽以旌異之

俸米有三等有俸米不論品職尊卑各有應得之米王府按時給領官罷則已有采地

官尊者或一郡或兩郡或一邑或數邑或計畝子孫以次遞減至曾孫則不減永為世祿有功光俗

呼切米功字之訛也官尊而有功者量功者俸米
采地之外加切米或數百石或數十石無定制臨
時視功爲額其切米亦有三等有終其身者雖罷
官亦給有定限數年或數世者限滿則止有永爲
世業者

尊 僧亦有秩自房頭歷升法印至座師而上人爲最

琉球國志略

爵秩
卷九

六 吳舒帷校